

## **Къырымтатар тили 5 сыныф дерс-конспекти**

**Тизиджи: Аблялимова Ф. А. къырымтатар тили ве эдебияты оджасы**

Мевзу: Джумленинъ грамматик негизи. Муптеда ве хабер.

Макъсад: 1. Янъы мевзуны анълатув;

2. Талелелерге джумленинъ грамматик негизининъ къайд этювини огретмек;

3. Чешит вазифелери, межгъулиетлери беджерюв;

4. Къырымтатар тилине севги ашламакъ, талелелерининъ язма ве агъзавий нутукъны инкишаф этмек.

Донатма: дерслик, презентация, интерактив тахта

### Дерсининъ кетишаты

I. Тешкилий къысым. Селямлашув, дерсининъ мевзусыны ве макъсадыны илян этюв.

II. Эв ишини тешкерюв. Талелелер, келинъиз эв вазифени тешкерейик!

III. Янъы мевзуны анълатув.

Оджа: Интерактив тахтагъа дикъкъат этем. Слайд №1. Берильген сёзлерден бир джумле тизейик. (талелелер берильген сезлер иле джумле тизелер)  
(берильген сезлер: кетелер, мектеп, эрте талелелер, саба.)

Саба эрте талелер мектепке кетелер.



Берильген сёзлер иле джумле тизмек

**кетелер, мектеп, эрте талелелер, саба**

**Саба эрте талелер мектепке кетелер.**

Слайд №1

Сизинъдже, бу сёзлер бир-биринен багълылармы? Джумледе сёзлер озъара грамматик багънен бирлешелер. Эр бир джумле грамматик негизинден ибарет олур. Демек, сиз дерсимизнинъ мевзусы не олгъаныны анъладынъызмы? (талелелер джевап берелер).

Оджа: Джумленинъ негизини, таби ки, муптеда ве хабер тешкиль эте. Талебелер, энди дефтерлеринъизни ачып, бугуньки саныны ве дерсимизнинъ мевзусыны язынъыз. «Джумленинъ грамматик негизи. Муптеда ве хабер».

Муптеда – ким? я да не? суаллерине джевап берген, языда бир сызыкънен бельгиленген джумленинъ баш азасы. Муптеда джумледе хабернен манаджа ве грамматикаджа багълыдыр. Муптеда баш келиште кельген исим я да замирнен ифаделене.

Слайд № 2. Месея: **Кок** мавы булутларнен къапланды. Кузьде **япракълар** сарара. **Ель** терекни йыкъты. (талебелер мисаллерни дефтерге язалар.)

**Муптеда**

*Муптеда – ким? я да не? суаллерине джевап берген, языда бир сызыкънен бельгиленген джумленинъ баш азасы. Муптеда джумледе хабернен манаджа ве грамматикаджа багълыдыр. Муптеда баш келиште кельген исим я да замирнен ифаделене.*

*Месея: **Кок** мавы булутларнен къапланды. Кузьде **япракълар** сарара. **Ель** терекни йыкъты.*

**Слайд № 2**

Хабер – муптеданен багъланып, предмет не япа? не ола? кимдир? насылдыр? суаллерине джевап берген, языда эки сызыкънен бельгиленген джумленинъ баш азасы. Хабер эксерий фиильнен ифаделене. Бундан гъайры хабер исим, сыфат, сайы, замирнен ифаделене билир.

Слайд №3. Месея: **Чеши**т ренкли кузь **кельди**. Балабан геми денъиз саилинден **узакълашты**. Бу экимге эмишире ярдым **этеджек**.  
IV. Пекитюв. Янъы мевзуда чалышув. Талебелер, шимди исе огренген мевзумызны бираз пекитемиз.

**Хабер**

*Хабер – муптеданен багъланып, предмет не япа? не ола? кимдир? насылдыр? суаллерине джевап берген, языда эки сызыкънен бельгиленген джумленинъ баш азасы. Хабер эксерий фиильнен ифаделене. Бундан гъайры хабер исим, сыфат, сайы, замирнен ифаделене билир.*

*Месея: **Чеши**т ренкли кузь **кельди**. Балабан геми денъиз саилинден **узакълашты**. Бу экимге эмишире ярдым **этеджек**.*

**Слайд №3**

*Слайд №4. 1. Берильген сезлерден джумлелер тизип язынъыз. Джумленинъ грамматик негизини къайд этинъыз. (интерактив тахтада сёзлер берильген, талелелер дефтерлеринде вазифени беджерелер).*

*Кельди, яз, сыджакъ. Ерлерге, учып, азырланалар, къушлар,сыджакъ.*

*Япракълары, эмен, тёгерек ,терегининъ ола. Кийди, антер, Айше, янъы.*

*Янъы, сентябрь, окъув, йылы, биринджи, баилай.*

**Берильген сезлерден джумлелер тизип язынъыз. Джумленинъ грамматик негизини къайд этинъыз.**

*Кельди, яз, сыджакъ. Ерлерге, учып, азырланалар, къушлар,сыджакъ. Япракълары, эмен, тёгерек ,терегининъ ола. Кийди, антер, Айше, янъы. Янъы, сентябрь, окъув, йылы, биринджи, баилай.*

**Слайд № 4**

*Вазифени тешкеремиз*

*2. 26.с. 59-ишни балалар оджанен тахтада беджерелер.*

*V. Раатлыкъ дакъкъасы*

*VI. Рефлексия*

*1. Талелелер, биз бугунъ дерсте насыл мевзуны огрендик?*

*2. Дерсте насыл суаллерини бакъып чыкътыкъ? Насыл вазилерни беджердик?*

*3. Джумленинъ грамматик негизини не тешкиль эте? Муптеда недир?Насыл суаллерге джевап бере? Хабер недир? Насыл суаллерге джевап бере?*

*IV. Эвге вазифе. Къаидени огренмек, 27с., 60-ишни беджермек.*

### **Рефлексия**

- 1. Мен бугунъ....мевзуны огрендим.**
- 2. Дерсте .....вазифени беджердим.**
- 3. Муптеда недир? Хабер недир?**
- 4. Дерсте .....бегендим.**

**Слайд №5**